

(Դարաշիշակ), վար ու ցանքը արդէն բաւական ուշացած է ցրտի պատճառաւ, որով կանաչան ցորենը տակաւին նոր բուսածից շատ տարբեր չէ երևում ներկայումս, այն ինչ, ինչպէս լսում եմ՝ այդ կողմերը հունձը հասած է. լայց պէտք է ասել՝ որ արտօրայքը Աստուծով լաւ երես են ցոյց տալիս։ Այս ցրտութիւնը մի դժբախտութեան անսովոր հարուած տուեց՝ վերջապէս նահանգին ողորմելի գիւղացիներին. և այս պատահմունքը այսպէս եղև։ Անցեալ յունիս ամսոյ 25 ին երաշտային եղանակը յանկարծ փոխուեց անձրևա-յին եղանակի, և անձրևը մի քանի օր տեւելուց յետոյ ցրտութիւնը սաստկացաւ և ձիւն դրեց մօ-տակայ սարերի վրայ. և ըստ որում ոչխարները արդէն դանվում էին սարերումը, և քանի որով առաջ բրդերը կտրած էին, այս պատճառաւ ցուրտը շատ ոչխարներ կոտորեց նոյն զիշերումը, ինչպէս ասում են, ամեն մի գիւղից 150, 200 և 300 հատերով, և բոլոր ծնած և կթի (կաթ-նատու) ոչխարներս Այս դժբախտ պատահմունքը և կորուստը ողորմելի ժողովրդոց համար փոքր նշանակութիւն չ'ունի։ Մի և նոյն վնասը պատա-հած է նոյն միջոցում՝ ինչպէս լսում եմ՝ նաև Ապարանայ նահանգումը և գաղթական այլադ-գեաց մէջ ևս, որք ամենայն տարի Ղազախից և այլ ջերմ երկիրներից գալով վերաբնակում են այս Արարժնունեաց լեռնոտներումը, և աշնանը վերադառնում են իւրեանց տեղերը, որոնք թէ աւաղակութեամբ և թէ արօտատեղիքը յափըշ-տակելով՝ սակաւ վնաս և նեղութիւն և թշնա-մութիւն չեն հասցնում և պատճառում Հայոց մերձակայ զիւղերին։